

卷四

群書考索卷之一

山堂先生章俊嫻編輯
建陽知縣區玉刊行



後集

官制門

官數類

唐官通典云唐官數闕尚書云建官准百鄭玄云虞官六十唐官未聞兼併同道或皆六十并屬官而言則皆有百

虞官明堂位曰有虞氏五十鄭云六十

夏官明堂位曰夏官尚書云夏商官倍則當二百矣而鄭云百二十

商官明堂位曰商官二百而鄭云二百四十合依鄭說

周內官內二千六百四十三人外諸侯國官六萬一千三十二人

秦制等以賞功勞

漢吏哀帝時官數兼

後漢內一千五百一十五人外都計內

書名 群書考索後集殘二十一卷
撰者 宋 章如愚 撰
卷 卷四
內容分類 子-類書 彙考-宋
索書號 大木-總類-志書-通代-33
編號 C5930600

彩色首頁

東洋文化研究所漢籍目錄 編號: C5930600

東洋文化研究所漢籍目錄所藏漢籍善本文影像資料庫 索書號: 大木-總類-志書-通代-33

漢籍善本文影像資料庫 群書考索後集殘二十一卷

版權所有: 東京大學 東洋文化研究所

使用上的注意事項

宰相

唐世宰相名最不正初因隋以三省之長中書令侍共議國政此宰相職也後以太宗嘗為尚書令臣下不敢君升僕射為尚書省長與侍中中書令號宰相品崇不敢輕授故以他官居職而假以他名自太宗時杜淹以吏部尚書參議朝政魏證以祕書監參預朝政或曰參議得失參知政事皆宰相也正觀中僕射李靖以疾辭位詔至中書門下平章事而平章事之名始此李勣以太子詹事同中書門下三品同三品之名始此然二名不專用而他官居職者猶假他名如故

宰相事無不統之以一職名官自開元後常領以他職實欲重其事而反輕宰相之體故時方用兵則為節度使時崇儒學則為太學士時急財用則為鹽鐵轉運使又其則為延資庫使至國史太清宮之類其名頗多皆不足法。既以三省官為宰相其制已非專任而因事建置又復不一朝政則有參預參議之名政事則有參知平章之名門下則有同三品之名如是足矣後有所謂參知機務參知樞密者幸以上用唐六典百官志修相之官無乃不一乎

群書考索卷之三

後集

群書考索卷之四

後集

山堂先生章俊卿編輯
建陽知縣區玉刊行

○官制明

國初舊官制

宋朝沿唐制設官間有損益。○中書門下尚書雖為三省長官多不除

中書令尚書令侍中雖國初趙普范質直拜不復言平章事外是未嘗除人

雖除亦不為政皆為空官特以寓祿秩叙品位而已。○中書門下平章事即為宰相任有二人即分日知印上相為昭文次為集賢下宰相一等即為參知政事

太祖乾德二年趙普為相太祖畏其專將陳官為副而難其名問陶穀穀曰唐有參知機務參知政事今可相之上乃命呂餘慶薛居正為參知政事不升堂不押班不知印開寶六年始與宰相分日知印至道中升政事堂議軍國事矣

樞密前有使副有知院有同知有簽書有同簽書

國朝樞密與中書對侍文武二柄號為二府禮遇畧同樞密之名施於唐代宗時以中書二人為使承授表奏若人主有處分則宣付門下中書宰相崇崇為崇政院命院使一人為使始用士人後唐復為樞密院命宰相兼樞密事不稱樞密院使一人為樞密宰相矣晉天福中以劉處謙兼樞密院事不稱樞密院使一人為樞密宰相矣晉天福中以劉處謙兼樞密院事不稱樞密院使一人為樞密宰相矣

宣徽有南院使三司則有使

三司之屬二十四案如兵刑曹之類其後今三司判官各領八案而總於三司使自太平興國八年始分三司為三部各置使矣有鹽鐵使有戶部使

有審官院東院西院三班院使流內銓流外銓。格式司則有

審刑院有禮儀院有翰林學士院

章執誼翰林故事云翰林院者六藝試技術召見者之所處也而學士則自唐初有之太宗時各儒學之師召草制然猶未有名號也封以後始號北門學士元宗初置翰林待詔掌四方表疏此各應和文章以始號北門學士元宗初置翰林待詔掌四方表疏此各應和文章翰林供奉然由未定名制詔書教讀或分在集賢閣元二十六年始以翰林供奉改稱學士別建學士院於翰林之南俾在內命其後又置東翰林院於金鑾殿之西隨上所及禮過益親號為內相又以為天子私人凡學士無定員下自於書上及諸曹尚書皆為之晉天福中以翰林學士掌內制承旨為長承旨始於憲宗元正元平命鄭

登聞進奏官告則又有院。門下封駁有司通進銀臺有司發敕則有

司。有知諫院有知制誥。起居有院舍人有院。御史則有中丞知

雜三院。經筵則有侍講說書。太常宗正光祿衛尉太僕大理鴻臚

司辰大府皆有寺。秘書殿中內侍皆有省國子少府將作都水軍器

司天皆有監。凡三省六曹寺監給舍諫垣史館皆為官品不墮本務

而別領內外使更設王判官以司其職自著作即而上京官在內為主判在外則為奉使雖筦庫而上皆同其領在京官職任則不分京朝若擢為臺諫經筵則必借命朝臣差遣惟擢新進之士官未升朝者即以太子中允處有出身人中舍處無出身人所以別流品也

勳官十有二級

上柱國。柱國。上護軍。護軍。上輕車都尉。輕車都尉。上騎



都尉。騎都尉。驍騎尉。飛騎尉。雲騎尉。武騎尉。率三歲一遷。必因其除授以加之。所以別年勞也。

太師太傅太保

是為三師。宋朝三公之官尤重。太師趙韓王以勲。文潞公以年方得之。王文正公呂文靜公皆在相二十年。纔以太尉致仕。可見宋朝重太師之官也。

太尉司徒司空

是為三公。至於武臣則厚其祿而薄其禮。凡貴於正任重於官軍要在績行。近在承旨御帶。寵在閣職設造。郡以賞勞。績設使臣以別祿秩。此武臣之名分也。以節度使留後觀察防禦團練刺史為正任。以殿前馬步軍副指揮使三軍都虞候天武捧日龍神衛四廂都指揮使為管軍。以內閣省使省引進四方館東西上閣門使副為橫行。以通事舍人閣門祗候為閣職。以橫行使及諸司使帶防禦團練使刺史為遙郡。以諸司使副內殿承制崇班為大使。臣供奉官侍禁殿直供奉職為小使。臣自遊郟而上名俸皆厚。其使臣本祿雖稍薄而添支給券皆優。若朝謁都燕唯正任御為蓋。正任方號武臣得與文臣分班也。管軍臣僚號侍衛橫行大使臣皆為祗應官耳。此所謂薄其禮也。

外郡官

自太祖時剪削藩鎮有缺則令文臣權知。三年易又設通判以貳其事。擇文吏為之。佐建隆元年諸郡判官皆令吏部注擬。所以革將吏自補之弊也。三年置簿尉。所以懲親吏為諸縣鎮將之弊也。又選朝臣以掌倉庾。所以懲諱吏監視重槩量之弊也。乾德中平湖南令潭州諸郡直屬京師。至太宗藩鎮無復支郡。夫既收其金穀之權。擇其精銳之士。以赴關。然後藩鎮無陸梁之禍。節度之權歸於州鎮。將之權歸於縣。又分天下而置轉運使以察之。而一路之財貨皆歸之。太宗時雖節度防禦團練觀察刺史皆不預。金穀刑獄之事矣。淳化中詔諸路轉運各命掌參官一人。專知糾察州軍刑獄事。是時猶隸轉運。未別立司也。景德四年始置提刑。自為別司而不隸轉運。權稍重矣。是時雖專糾刑獄。

及詞訟未及他事也至天禧中已兼勸農一事其後或罷或置而盜賊軍器河渠保甲封樁錢穀之類悉歸提刑而轉運所總唯財賦綱運之責而已

元豐新官制

神宗喜觀唐六典六典元宗撰李林甫等注一日諭王珪等朕欲倣唐六典酌古今之宜修改官制察確為參知政事與珪贊行之命官置局上自考求故實咸親臨決以定其論四朝志云神宗慨然拘更官制熙寧末始命館閣校唐六典元豐三年以摹本賜群臣乃置局中書命翰林學士張琮等詳定八月遂下詔肇新然制凡省臺寺監領空名者一切罷去而易之以階九月詳定所上寄祿格會明堂禮成近臣遷秩即用新制而臺省寺監之官各還所職矣

文階

自開府儀同三司而下二十四階以開府儀同三司特進易三司官平章事左右僕射以金紫光祿大夫易吏書以銀青光祿大夫易五部尚

書以光祿大夫易左右丞以正議大夫易六部侍郎以通議大夫易給事中以太中大夫易左右諫議大夫以中大夫易祕監以中散大夫易光祿衛尉二卿少府監以朝議大夫易左右司郎中太常光祿少卿以朝請朝散朝奉大夫易郎中以朝請朝散朝奉易外郎以承議郎易太常國子博士奉議郎易太常祕書殿中丞通直郎易太子中允中舍左右贊善大夫宣德郎易侍從宣文郎易監丞承事郎易大理評事承奉郎易太常寺太祝奉禮郎承務郎易寺監主簿是為寄祿官也張演元豐職官記中云自大中大夫至金紫止六階昔之五部尚書令為銀百一官昔之六部侍郎今為正議大夫是十一官而併為兩官左右丞左右諫議又併四官而為兩官祖宗舊制出身自郎中三遷而至祕書監蔭補人自郎中五遷而至祕書監所以示其別也今也併為三階矣其後增置奉直中奉而有出身人不遷中散大夫奉直則猶髣髴舊制也舊制所以緩別流品者至嚴一官冗數等衆執侍從之遷為一等列卿館職之遷為一等雜流之遷為一等出身人遷為一等列卿館職之

為十等自將作監簿至祕書二監其遷秩各視其品由諫議大夫而上
兩省兩制皆待從之選故不復別其品非故為是紛紛也誠以流品有
別則人安其分而無倖進之心爵秩有章而名器加重元豐寄祿之制
混為一流無復差別當時群臣不能推祖宗制官之意立為品章故士
大夫慊然以兩制為未盡也新階既少品而轉行者易及至元祐初於
朝議大夫六階以上始分左右又以流品無別乃詔寄祿官悉分左右
紹聖中罷之崇寧中自承直至將仕凡換選人七階大觀初又增宣奉
正奉通奉中奉奉直大夫之階政和末又改從政至迪功即三階而寄
祿之格始備矣

武臣

亦詔易以新階正使為大夫副使為郎而橫行班十二階使副亦然故
有即君大夫之上者政和中以新名未具增置宣正履正大夫郎凡十
餘階通為橫班而文武臣官制益加詳矣

職內

在內設尚書省置令左右僕射門下省置侍中中書省置令已上為三
省即宰相之職兩令侍中不除人尚書有左右丞門下中書各有侍郎
而參政之官罷矣自漢元成以外戚領尚書光武中興事歸臺閣於是
權尚書魏武以祕書令典尚書章奏文帝改為中書有令有監於是權
在中書自晉以侍中總門下樞要江左五朝因之王曇首王華之徒皆
密侍帷幄於是權在門下歷代各有偏重至唐則三省鼎立有中臺東
臺西臺之稱揆其本原皆六卿之屬曰尚書者本天官之司會曰門下
侍中本夏官之太僕曰中書令者本春官之內史在周不過為中大夫
而後世遂為宰相之任宋朝用之元豐正官名而三省猶因唐六典之
舊以中書造命門下審覆尚書省奉行而政歸中書又分班奏事各行
其職此蔡確之所以得專政柄也元祐末呂正獻公諸三省同班奏事
紹聖更革謂元祐政事三省分班之制章子厚為門下相懼其權之去
已乃不果改故歷紹聖崇寧以來元祐政事無一存者獨此法不變也
政和更左右揆為太宰少宰靖康復為左右僕射建炎中罷尚書左右

丞宰臣不兼兩省侍郎復祖宗之舊為同中書門下平章事置參政二員通知三省乾道七年改為左右丞相而參政如故樞密院有知樞密院事有同知樞密院事而廢使副僉書元祐中復置僉書院事紹興七年詔依故事置樞密使及副使其知院同知院僉書並如舊時以宰臣張俊兼使也

尚書六部

吏部有尚書有侍郎侍郎二人分掌四選吏部司封司勳考功屬焉戶部有尚書有侍郎侍郎二人分左右曹而戶部度支金部倉部屬焉禮部有尚書有侍郎禮部祠部主客膳部屬焉兵部有尚書有侍郎兵部職萬駕部庫部屬焉刑部有尚書有侍郎刑部都官比部司門屬焉工部有尚書有侍郎工部屯田虞部工部屬焉。每部郎官二人知州資序及階官朝議大夫以上為郎中餘為員外郎唯吏部戶部刑部郎官各置四員以其副曹也左右司郎官各二員通糾六部號都司專佐宰相理省事謂之宰屬也

翰林院有學士以二員為額久決者為承旨

御史臺

有中丞有侍御史有殿中侍御史監察御史如舊制焉但更知雜及囊行之名

門下後省

置左散騎常侍而不除人給事中四員起居郎左諫議大夫左司諫左正言寓焉

中書後省

置右散騎常侍而不除人中書舍人六員起居舍人右諫議大夫右司諫右正言寓焉號兩省官

祕書省

有監少監丞即校書郎正字而著作郎佐郎寓焉號為館職罷直館院校理等員關而唯存修撰直祕閣號貼職而別領在外任使

凡寺

則太常宗正光祿衛尉太僕大理鴻臚司農太府有卿少卿丞簿而太常復置博士六祝奉禮協律郎大理則復置寺正評事司直

四監

將作少府軍器置監少監丞簿都水置使者丞簿南外北外丞已以上為寺監官國子監有祭酒司業丞簿太學有博士正錄已上為學官是謂職事官也

罷諸主判官而以其職分隸諸省部寺監郡牧司使各不除而其職併於太僕以太師太傅太保為三師太尉司徒司空為三公皆論道之官無專領之職為宰相兼官

總論國初元豐官制

黃琮曰宋朝自太祖設官分職多襲五代之制雖稍有增損而大體俱舊制也其唐制省部寺監之官備員而已無所職掌別領內外任使而省部寺監別設主判官員額惟以侍中中書令同中書門下平章事為宰相此尚循唐制也至乾德二年始置參知政事為宰相副貳初以薛

居正呂餘慶為之宰相所居省謂之中書門下國政所出也而其政歸樞密院丞五代之制有使有副至太宗朝初命右熙載以樞密直學士兼書樞密院事後以張士遜為知樞密院事寇準溫仲舒同知樞密院事治平中郭遵以檢校太保同兼書樞密院事故樞密有使副使知院同知院兼書院員額與中書號為二府焉尚書省置判尚書都省一員掌百官赴省集議及大祀受誓戒之事

六部

各有主判率以學士待制館閣官領之吏部即審官東院掌尚書左選審官西院掌尚書右選吏部尚書掌侍即左選三班院掌侍即右選流內銓考功郎中之職也戶部郎中三司使尚書之任也其官崇職重又次者為使稍輕則為權使資淺則為權發遣使公事度支副使戶部副使鹽鐵副使各二員此侍郎之任也別置子司判官八員度支判官戶部判官鹽鐵判官各一員所掌本曹郎中之職也刑曹案一員掌造器減唐軍器監職也判修造案一員唐工部將作少府監職也判磨勘司

一員掌勾考唐比部職也判太上皇帝嫌名院一員掌審復出納及審覆百官諸司兵級請俸舊兼禁軍以繁冗別立諸司專計司掌之以分其職判理欠司一員掌催促諸路遺欠禮部有判部及判禮部貢院即尚書符即之任內兵部事歸樞密府工部事歸三司故此二部不設主判官多以別官兼之刑部則判審刑院及詳議官掌詳覆諸路奏案是其職也

翰林學士

襲唐制以六員為額其帶知制誥即厘本院職事其別領省府職任即不帶知制誥內年德俱重者一員為承旨

知通進銀臺司

兼門下封駁事其任即給事中也而隸樞密院知制誥即中書舍人之職也

御史臺

雖有大夫員而不除以中丞為臺長次侍御史知雜事侍御史裏行殿

中侍御史殿中侍御史裏行監官而史裏行已上為臺官諫官以別

兼領者即為知諫院同知諫院亦有正諫議大夫司諫正言者

九寺

則判太常寺禮院即卿之任也資輕耳為知院同知院兼掌侍司職宗正有判寺一員太僕職屬群牧司有制置使一員以樞府及學士領之則判官一員大理則糾察在宗刑獄是其職也鴻臚歸客省四方館先祿司農太府其職皆隸二司衛有無所總樞其職分為金吾衛仗司其環衛之任分隸三衛皇城司矣故此五司別無置司并主判官員

秘書省

即昭文館史館集賢院謂之三館典祕閣同隸本省有直館直院直閣校理館閣校勘謂之館職初除於本省供職一年出補內外任使昭文史館有直館集賢院有學士修撰直院校理祕閣有直閣校理又有判祕書省祕閣一員專掌省事國子監有判其資淺者乃同知或同管即祭酒司業之任而博士轉為直講將作少府軍器三監之職並屬三司

而都水無常職員遇興役即差官亦繫三司差人迨熙寧興役法水利
方置判司農寺丞并司農寺丞員開建大理寺方置權發遣大理少卿
公事二員職掌官外有學士待制等員唯觀文殿大學士仁宗朝以費
昌朝詳使相特建此職內詔非曾任宰相不除觀文殿大學士資政殿
大學士資政殿學士端明殿學士翰林侍讀侍講學士龍圖天章寶文
閣學士樞密直學士三閣待制皆為侍從清望之選並無職掌多帶職
以領在內省府寺監在外藩方任使自資政以上多以授二府舊臣此
宋舊官制如此文臣則兼帶勳階即自武騎尉至上柱國十二轉是也
武臣則兼帶勳階憲御驗校官四色憲御自監察御史至御史大夫號
為憲御檢校自國子祭酒至三公亦唐及五代舊制也而宋遵之至元
豐初始命置屬詳定官制大槩皆本唐六典為法稍增損之
在內設尚書省置令左右僕射門下省置侍中中書省置令已上為宰相
而兩令侍中不除人尚書有左右丞門下中書各有侍郎樞密院有知
樞密院事同知樞密院事已上為執政官

尚書六部

吏部一尚書二侍郎分掌四選吏部司勳考功屬為戶部一尚書二侍
郎分左右曹而戶部度支金部倉部屬為禮部一尚書一侍郎禮部祠
部主客膳部屬為兵部一尚書一侍郎兵部職萬駕部庫部屬為刑部
一尚書一侍郎刑部都官比部司門屬為工部一尚書一侍郎工部比
田虞部水部屬為每部郎官二員知州已上資序及階官朝議大夫已
上為郎官餘員外唯吏部戶部刑部郎官各置四員以其劇曹也左右
司郎官各二員通糾六部號都司專佐宰相理省事謂之宰屬

翰林學士

定以二員為額久次者為承旨御史臺官各如舊制而除知雜事及裏
行之各門下後省置左散騎常侍而不除人給事中四員起居郎一員
而知諫議大夫左司諫左正言寓為中書後省置右散騎常侍而不除
人中書舍人六員起居舍人一員而右諫議大夫右司諫右正言寓為
號二省官

秘書省

有監少監丞郎校書郎正字而著作郎佐郎寓焉為號館職罷直館院校
理等員闕唯存修撰直祕閣號貼職而別領在外任使

九寺

太常寺宗正光祿衛尉太僕大理鴻臚司農太府有卿少卿丞簿而太
常復置博士太祝奉禮協律即大理則置寺正評事司直

四監

將作少府軍器置監少監丞簿都水置使者丞簿南外北外丞已上為
寺監官國子監有祭酒司業丞簿太學有博士王錄已上為學官是謂

職事官

罷三司使副及諸主判官而其職分隸諸自部寺監群政司使名不除而
不命官其職皆屬太僕寺

以太師太傅太保為三師太尉司徒司空為三公皆論道之官無專領之
職為宰相兼官以開府儀同三司為節度使同中書門下平章事號為

使相

以唐文散階換省部寺監官歸鑿務本職號階官為守祿官而食其俸以
領內外任史以特進易左右僕射金紫光祿大夫易吏部尚書銀青光
祿大夫易五曹尚書光祿大夫易左右丞正議大夫易列曹侍郎通議
大夫易給舍太中大夫易左右諫議大夫中大夫易祕書監殿中監中
散大夫易少卿監朝議大夫易少卿監朝請朝散朝奉大夫易郎中朝
請朝散朝奉郎易員外郎承議郎易太常國子博士奉議郎易太常祕
書殿中丞通直郎易太子中允中舍左右贊善大夫宣志郎易寺丞宣
議郎易監丞承事郎易大理評事承奉郎易太常寺太祝奉禮郎承務
郎易寺監主簿自承務郎至特進為寄祿官

其大學士至待制其名皆存以為二府罷政省部長貳給舍諫議補外之
職崇賢殿修撰直龍圖直憲閣號貼職庶僚領在外繁劇任使者帶之
削去憲銜檢校官留勳十二轉自通直郎以上帶入銜此為元豐新制
官名即循唐舊典職掌亦倣周禮六官之法也

元豐罷三司使副

神宗喜觀六典一日王珪等做唐六典修改官制然唐六典以中書造命行無法式事門下審覆行有法式事尚書奉行而政柄盡歸於中書又分功奏事各有其職蔡確言於神宗不置二省長官以左僕射兼門下侍郎右僕射兼中書侍郎各主兩省事時王珪為左而確為右獨專政柄而珪不與聞除吏之事後呂正獻公乃請三省同班奏事分省治事而元祐行之其後不能易也然元豐官制以唐六典為宗名實正矣而寄祿之制混為一流無復差別當時群臣不能惟原祖宗制官之標準者蓋祖宗官制所以甄別流品者為至嚴密一官凡數等曰宰執侍從之選卿列館職之選出身人之選蔭補人之選雜流之選各為一等有條不紊可謂盛矣不獨此也宋之待武臣也厚其祿而薄其禮凡貴於正任重於管軍要在橫行近在承旨御帶寵任閣職設選郡以賞勞績設使監以別祿秩此武臣之名分也若夫三司使之職又其制之善者宗公五代及復唐之制置三司使以總國計應四方貢賦之入朝廷未

嘗預焉一歸三司總鹽鐵度支戶部號計省使位亞執政自為計相稱省主其恩數稟祿與參樞均若除翰林承旨及資政端明學士或官至尚書或以任權三司使者方正除之若待登柄用多先預焉鹽鐵度支戶部在唐五代皆專使額皇朝方各設副使以三司使總之故號三司鹽鐵副使其度支戶部亦如之位亞待制乃稱省副恩數視大卿監逐司各置判官其資序視轉運使又有三司判官子司其資序視提刑乃稱省判凡初除必任子司子司遷鹽鐵等判官判官而後副使蓋祖宗不容資淺新進人廁列於其間也

祖宗舊制

選除執政侍從必先歷錢穀自有三司度支副使權起居舍人知制誥有先除權三司使而乃拜樞密可見祖宗之意也其所掌之財驅磨財計檢察馮由悉歸磨勘司造作軍器則謂案主行土木之工隸修造案河防之役則河渠案行之且國家工役之費先出於三事其所用為蠹耗之大者必命三司使總之乃可節以制度也至安石為相以周禮行

新法故特象宰掌邦計之說謂宰相當主財計遂與三司分權凡稅賦常貢征確之利方歸三司摘山煮海坑冶權貨戶絕沒納之財悉歸朝廷其立法與常平免役坊場河渡禁軍闕額地利之資皆號朝廷封儲又有歲科上供之數盡運入京師別立庫以貯之三司不預焉於是祖宗處國計之良法盡數矣自元豐改官制戶部尚書全無計相之權職在行朝廷之文移僅能經畧在京官吏諸軍俸祿而已以此論之三司使之職不待改官制而不受權自熙寧變更法度之時已壞矣元豐罷三司副使

群書考索卷之四

後集

群書考索卷之五

後集

山堂先生章俊卿編訂
建陽知縣區玉刊行

官制門

三公類

夏商以前云三公無官。伊尹曰三公調陰陽周以太師太傅太保曰三公。記曰三公無官古有其人然後充之舜之於堯伊尹之於湯周公召公之於周是也。或說司馬主天司徒主人司空主土是為三公漢以丞相太司馬御史大夫為三公。後漢以太尉司徒司空為三公天地災變即皆冊免自太尉徐防始為靈帝就長安拜張溫為太尉三公在外自溫始也魏晉宋齊梁陳後魏北齊皆以太尉司徒司空為三公。宋志云三公之職太師君首唐帝名師故置太宰以代之後周以太師太傅太保為三公司徒為卿隋以太尉司徒司空為三公唐因之